

Ливана төрт англо-американск орлцлгън

ЛОНДОН, юнин 16. (ТАСС). Англо-американск гардачнр, Среднь Востокин тускар өдгä цагт ямр зура кеджähинь бичлгън английск барин гол оньгднь тусджана. Английск газетс нургьлдж, английск болн американск зерзевтä цергүдиг Среднь Востокд цуглуллгън — Ливанд болджах үүлдвртä залгълдатагъинь темдглджäцхänä.

Кипр тал кесг миньгън английск парашютистнр илгäлгън — зуг Кипрт тедн кергтä болх гидж кегдджähш, Ливанд дäällдän болсн цагт тедниг олзлхин төлä белдджänä гидж английск зäрм газетс тоолджана.

«Дейли экспресс» газет, Кипрт бääh английск парашютистнр болн американск зургьадгч флот «Ливанд болджах үүлдврт орлцхдан белн»,

энүгän экллгънь Ливана президент ООН-р дамджулдж нөкд сурсн цагт, эс гидж Ливанд бääh английск болн американск улс «äämшглä» харгъсн цагт болхмн гидж бичджänä.

«Дели мэй» газетин вашингтонск корреспондент Уилсон Бродбент: «Бäädл цаарандан муурхла, американск теньгсин дäänä цергүд Ливанд буулгьгдх. Сүүлин өдрмүдт Деед үзгт зогсджах флотд бачм үүлдвр кехд белн бäätн гидж заквр өггдв. Президент Эйзенхауэр, Америк Ливанд кедү бис ик дөньгän күргхд белн болх зөвтä гидж Национальн Советин гаргъсн шиидвриг зөвшäрв» гидж бичджänä.

Вашингтонд дäänä үүлдвр бийснь онцдан эс гидж Ниилсн Келн-äмтсин Организацар дамджулдж кех зура хäläгдджänä гидж «Манчестер Гардиан» газет бичджänä.